

քաղ. Երևան

«27» հոկտեմբեր 2012թ.

Հայաստանի Հանրապետության էներգետիկայի և բնական պաշարների նախարարությունը՝ ի դեմս նախարար ԱՐՄԵՆ ՄՈՎՍԻՍՅԱՆԻ, որը գործում է Հայաստանի Հանրապետության անունից, իր լիազորությունների սահմաններում (այսուհետ՝ լիազոր մարմին) մի կողմից, և «ԶԱՆԳԵՉՈՒՐԻ ՊՂՆՁԱՄՈԼԻԲԴԵՆԱՅԻՆ ԿՈՄԲԻՆԱՏ» ՓԲԸ տնտեսավարող սուբյեկտը (այսուհետ՝ ընդերքօգտագործող), ի դեմս տնօրեն ՄԱՔՍԻՄ ՀԱԿՈԲՅԱՆԻ, որը գործում է իր կանոնադրության հիման վրա, մյուս կողմից, ղեկավարվելով Հայաստանի Հանրապետության քաղաքացիական օրենսգրքով, Հայաստանի Հանրապետության ընդերքի մասին օրենսգրքով (այսուհետ՝ օրենսգիրք) և այլ իրավական ակտերով, համապատասխանաբար նախարարության և տնտեսավարող սուբյեկտի կանոնադրություններով և հիմք ընդունելով Հայաստանի Հանրապետության օրենսդրությամբ սահմանված համապատասխան փաստաթղթերը, տրամադրվող հանքավայրի կամ հանքավայրի տրամադրվող տեղամասի կամ հանքային ջրի աղբյուրի կամ հորատանցքի շահագործման նախագիծը, կնքեցին սույն ընդերքօգտագործման պայմանագիրը (այսուհետ՝ պայմանագիր):

1. Ընդհանուր դրույթներ

1.1 Պայմանագիրը նախատեսում է հանքավայրը կամ հանքավայրի տեղամասը կամ հանքային ջրի աղբյուրը կամ հորատանցքը շահագործման տրամադրելու պայմանները և ժամկետները, լեռնահատկացման կոորդինատները, կամ հանքային ջրի աղբյուրի կամ հորատանցքի կոորդինատները և սանիտարական գոտու սահմանները, կողմերի իրավունքներն ու պարտականությունները, վճարների (բնօգտագործման, բնապահպանական, բնության և շրջակա միջավայրի պահպանության դրամազխի համալրման, մշտադիտարկումների իրականացման) վճարման վերաբերյալ դրույթներ, բնապահպանական կառավարման պլանը, ընդերքօգտագործման իրավունքի դադարեցման (զգուշացման, հրաժարման, փոփոխության), համայնքի սոցիալ-տնտեսական զարգացման ոլորտում ստանձնած՝ պարտավորությունների չափի և կատարման ժամկետների վերաբերյալ, հանքի փակման հետ կապված դրույթները, ինչպես նաև նրանց փոխհարաբերությունները կարգավորող այլ պայմաններ:

1.2 Պայմանագիրը բաղկացած է հիմնական տեքստից և N 1 հավելվածից, որը կազմում է պայմանագրի անբաժանելի մասը:

1.3 Պայմանագրով չկարգավորված հարաբերությունները, այդ թվում՝ կողմերի այլ իրավունքները կարգավորվում են օրենսգրքով, ինչպես նաև ոլորտը կարգավորող այլ իրավական ակտերով:

2. Պայ մանագրի առարկան

2.1 Պայ մանագրով՝ լիազոր
 ընդերքօգտագործողին տարեկան մարմինն
 12500 հազ.տ
(օգտակար հանածոյի քանակը, մ³, գ/տ) օգտակար հանածոյի պաշարների
 մարման

համար ժամանակավոր տիրապետմանն ու օգտագործմանն է հանձնում 2008 թ-ի հունիսի 28-ից մինչև 2030թ-ի մայիսի 30-ը ժամկետով, իսկ ընդերքօգտագործողն ընդունում է՝
 ՀՀ Սյունիքի մարզի Քաջարանի պղնձամոլիբդենային հանքավայրի
(հանքավայրի անվանումը)

(տեղամասի անվանումը կամ հանքային ջրերի աղբյուրի անվանումը կամ հորատանցքի համարը)
 հաշվեկշռային պաշարներն օգտագործման ամբողջ ժամկետի համար
 287500,0 հազ.տ հանքաքար
 ըստ B, C₁ և C₂ կարգերի

(հիմնական և ուղեկից օգտակար հանածոների քանակները՝ ըստ կարգերի)
 որոնք հատկազօծի վրա և ըստ խորության սահմանափակվում են հետևյալ կոորդինատներով՝
 I. Աջափնյա տեղամաս / մինչև 1875 մ հորիզոնը/

1.X=1460	Y=11170	Z=1906.2	6.X=3055	Y=11880	Z=1995
2.X=3735	Y=11500	Z=2115	7.X=3735	Y=11900	Z=2105
3.X=1675	Y=11615	Z=1890	8.X=3700	Y=11700	Z=2070
4.X=1885	Y=11825	Z=1895	9.X=3735	Y=11500	Z=2115
5.X=2775	Y=11860	Z=1980	10.X=3385	Y=11110	Z=2120

Բացահանքի արևմտյան կողմ

11.X=3335	Y=10665	Z=2320	13.X=2900	Y=10440	Z=2300
12.X=3100	Y=10490	Z=2320	14.X=2680	Y=10435	Z=2250

II. Չափափնյա տեղամաս / մինչև 2040 մ հորիզոնը/

1.X=365	Y=9965	Z=2132
2.X=175	Y=10350	Z=2192
3.X=565	Y=10525	Z=2126
4.X=760	Y=10435	Z=2022
5.X=700	Y=10275	Z=2050

(տրամադրվող պաշարների սահմանների ծայրակետային կոորդինատները)
 Mo-0,0349% ,Cu-0,278% , S-0,75% , Re-0,17գ/տ, Se-1,51% , Te-1,27գ/տ, Bi-1,98գ/տ, Au-0,026գ/տ, Ag- 1,48գ/տ

(հիմնական և ուղեկից բաղադրիչների պարունակությունը %, գ/տև այլն)
 պղնձամոլիբդենային հանքաքար

(օգտակար հանածոյի պաշարների տեսակները (տարատեսակները)

(օգտակար հանածոյի լեռնային գանգվածից հանքարտադրատեսակի ելքը)

Պայ մանագրի N 1 հավելվածով նշվում են ընդերքօգտագործողի ֆինանսական առաջարկները և նրա կողմից վճարվող ընդերքօգտագործման վճարները:

Պայմանագիրն ըստ անհրաժեշտության կարող է ունենալ նաև այլ հավելվածներ՝ օգտակար հանածոյի արդյունահանման և հումքի վերամշակման աշխատանքների ժամկետները, ըստ փուլերի, իսկ զուգահեռաբար երկրաբանական ու սումնասիրության աշխատանքներ կատարելու դեպքում դրանց կատարման ժամանակացույցի:

2.2 Լիազոր մարմինը երաշխավորում է, որ պայմանագրի 2.1-ին կետում նշված հանքավայրը կամ հանքավայրի տեղամասը գրավ դրված, վարձակալության, անհատույց օգտագործման տրված չէ, կառուցապատված կամ կառուցապատման իրավունքով ծանրաբեռնված չէ, ինչպես նաև արգելանքի տակ չի գտնվում:

2.3 Պայմանագրի գործողության ընթացքում հանքավայրի օգտագործման արդյունքում ընդերքօգտագործողի ստացած շահույթը նրասեփականությանն է:

3. Կողմերի իրավունքները և պարտականությունները

3.1 Լիազոր մարմինը իրավունք ունի՝

3.1.1 ընդերքօգտագործողից պահանջելու հանքավայրը շահագործել ընդերքի օգտագործման և պահպանության բնագավառում ընդունված ստանդարտներին, նորմերին ու կանոններին համապատասխան.

3.1.2 գրավոր զգուշացնելու և վաղաժամկետ լուծելու պայմանագիրն օրենսգրքի 30-րդ հոդվածի համաձայն.

3.1.3 ստուգելու ընդերքօգտագործման ընթացքում երկրաբանական և մարկշեյդերական փաստագրության վարման լիարժեքությունը, օգտակար հանածոների պաշարների շարժի հաշվառման իրականացման և տեղեկատվության ներկայացման սահմանված պահանջների կատարումը.

3.1.4 ստուգելու ընդերքօգտագործման վճարների օբյեկտ համարվող փաստացի ծավալների չափաբանակների, վճարների հաշվարկման և հաշվարկ-հաշվետվությունների ներկայացման կարգի պահանջների կատարումը.

3.1.5 ստուգելու ընդերքօգտագործման պայմանագրով նախատեսված պարտավորությունների և նախաճի պահանջների կատարումը՝ բացառությամբ բնության և շրջակա միջավայրի պահպանության ոլորտում բնապահպանության բնագավառի պետական կառավարման լիազոր մարմնի իրավասությանն ենթարկված:

3.1.6 պահանջելու ընդերքօգտագործողից օգտակար հանածոների պաշարների լիակատար կորզում և հիմնական ու համատեղ գտնվող օգտակար հանածոների և դրանց ուղեկցող բաղադրամասերի ողջամիտ և համալիր օգտագործում կամ դրանց պահեստավորումն ու պահպանումը.

3.1.7 պահանջելու ընդերքօգտագործողից ընդերքօգտագործման իրավունքի ժամկետը լրանալուց հետո կամ դրանից հրաժարվելու դեպքում նրանց տնօրինման տակ գտնվող երկրաբանական տեղեկությունը 3 ամսվա ընթացքում հանձնել լիազոր մարմնին.

3.1.8 իրականացնելու ընդերքի տրամադրված տեղամասում երկրաբանական ու սումնասիրությանն ենթարկված օգտակար

հանածոների հայտնաբերման նպատակով, այդ մասին առնվազն 14 օր առաջ գրավոր իրազեկելով ընդերքօգտագործման իրավունք կրողին:

3.1.9 ստուգվող սուբյեկտի ներկայացուցչի մասնակցությամբ անարգել մուտք գործելու ստուգվող սուբյեկտի գրասենյակային, արտադրական, պահեստային, լաբորատոր և այլ տարածքներ ու ստորաբաժանումներ:

3.1.10 ստուգման ընթացքում ստուգվող սուբյեկտից պահանջելու փաստաթղթեր, տվյալներ, բացատրություններ, տեղեկանքներ, ինչպես նաև վերցնելու փորձամուշներ, կատարելու կապարակներում և չափագրումներ, որոնք անմիջականորեն առնչվում են ստուգման նպատակներին:

3.1.11 ընդերքի օգտագործման և պահպանության պետական վերահսկողություն իրականացնելու տեսչական ստուգումների, ստուգումների և ուսումնասիրությունների միջոցով՝ «Հայաստանի Հանրապետության ստուգումների կազմակերպման և անցկացման մասին» Հայաստանի Հանրապետության օրենքով սահմանված կարգով և ընդերքի մասին Հայաստանի Հանրապետության օրենսգրքի դրույթներին համապատասխան:

3.2 Լիազոր մարմինը պարտավոր է՝

3.2.1 ընդերքօգտագործողին սահմանված կարգով տրամադրել հանքավայրին վերաբերվող փաստաթղթերը:

3.2.2 գրավոր իրազեկել ընդերքօգտագործողին առնվազն 14 օր առաջ ընդերքի տրամադրված տեղամասում երկրաբանական ուսումնասիրության աշխատանքներ իրականացնելու համար օրենսգրքի 3-րդ հոդվածի 5-րդ կետով տրված համաձայնության մասին:

3.3 Ընդերքօգտագործողն իրավունք ունի՝

3.3.1 բացառիկ իրավունքով կատարելու երկրաբանական ուսումնասիրություն և լեռնահանքային սահմաններում, իսկ հանքաված ընդերքի տեղամասում՝ օգտակար հանածոյի արդյունահանում:

3.3.2 մտնելու ընդերքի տեղամաս և իրականացնելու նախագծով նախատեսված բոլոր աշխատանքներն օգտակար հանածոյի արդյունահանման և ուսումնասիրության նպատակով:

3.3.3 օգտակար հանածոյի արդյունահանման նպատակով կառուցելու անհրաժեշտ շենքեր, շինություններ, հաղորդակցության ուղիներ, տեղադրելու սարքավորումներ, փոխադրելու և հարստացնելու արդյունահանված օգտակար հանածոն:

3.3.4 տնօրինելու արդյունահանված օգտակար հանածոն:

3.3.5 օրենսգրքի պահանջների պահպանմամբ հանքարդյունահանման իրավունքի ընթացքում օգտագործելու սեփական գործունեության արդյունքում առաջացած արտադրական լցակույտերը:

3.3.6 իրեն տրամադրված օգտակար հանածոյի արդյունահանման իրավունքի շրջանակում երկրաբանական ուսումնասիրություն

իրականացնելու նպատակով քաղաքացիաիրավական պայմանագրերի կնքմամբ ներգրավելու երրորդ անձանց.

3.3.7 դիմելու լիազոր մարմին օգտակար հանածոյի արդյունահանման պայմանագրի պայմանները փոփոխելու նպատակով, եթե հայտնվել են էապես նոր՝ նախկինում չնախատեսված հանգամանքներ.

3.3.8 վաղաժամկետ հրաժարվելու օգտակար հանածոյի արդյունահանման իրավունքից՝ կատարելով պայմանագրով և օրենսգրքով նախատեսված պարտավորությունները:

3.4 Ընդերքօգտագործողը պարտավոր է՝

3.4.1 իրականացնել աշխատանքներն օգտակար հանածոյի արդյունահանման պայմանագրի և նախագծի պայմաններին համապատասխան.

3.4.2 կատարել լիազոր մարմնի և այլ իրավասու պետական մարմինների՝ օրենսդրության պահանջների պահպանման նպատակով տրված ցուցումները.

3.4.3 պահպանել օգտակար հանածոյի արդյունահանման, տեղափոխման և վերամշակման ընթացքում Հայաստանի Հանրապետությանը և նրան ընդունված ստանդարտների, նորմերի ու կանոնների պահանջները.

3.4.4 ապահովել օգտակար հանածոյի արդյունահանման նախագծի պահանջների կատարումը.

3.4.5 վարել երկրաբանական, մարկշեյդերական և այլ փաստագրություն, պահպանել դրանք ընդերքօգտագործման բոլոր ձևերի աշխատանքների ընթացքում.

3.4.6 վարել օգտակար հանածոների պաշարների ամենօրյա շարժի գրանցամատյանը.

3.4.7 ներկայացնել լիազոր մարմին օգտակար հանածոների պաշարների շարժի վերաբերյալ եռամսյակային և տարեկան հաշվետվությունները.

3.4.8 հանձնել լիազոր մարմնին անհրաժեշտ երկրաբանական տեղեկությունները.

3.4.9 հավաքել, պահպանել և լիազոր մարմնին տրամադրել ուսումնասիրված, արդյունահանված և ընդերքում կորսված օգտակար հանածոների պաշարների, դրանց պարունակած բաղադրամասերի, որակի ու քանակի մասին տվյալներ.

3.4.10 ապահովել ընդերքօգտագործման հետ կապված աշխատանքների կատարման անվտանգությունը.

3.4.11 ապահովել ընդերքի, մթնոլորտի, հողի, անտառների, ջրերի ու բնություն և շրջակա միջավայրի մյուս օբյեկտների, ինչպես նաև շինությունների և այլ կառույցների պահպանությունն ընդերքօգտագործման հետ կապված աշխատանքների վնասակար ազդեցությունից.

3.4.12 ապահովել բնության, պատմական և մշակույթի հուշարձանների պահպանությունն ընդերքօգտագործման հետ կապված աշխատանքների վնասակար ազդեցությունից.

3.4.13 ապահովել շրջակա միջավայրի վրա ազդեցության փորձաքննության եզրակացության ամբ նախատեսված պայմանները.

3.4.14 նախագծի և օգտակար հանածոյի արդյունահանման պայմանագրի համաձայն վերականգնել և բարելավել ընդերքօգտագործման հետևանքով խախտված հողամասերը (ռեկուլտիվացիա), ինչպես նաև դրանք պիտանի դարձնել տնտեսության մեջ օգտագործման համար կամ բերել անվտանգ վիճակի.

3.4.15 տեղեկացնել լիազոր մարմնին օգտակար հանածոյի արդյունահանման պայմանագրում չնշված օգտակար հանածոների կուտակումների հայտնաբերման մասին դրանց հայտնաբերումից հետո՝ 14 օրվա ընթացքում.

3.4.16 նոր հայտնաբերված օգտակար հանածոների արդյունահանում չիրականացնելու դեպքում իրականացնել դրա պահուստավորումը կառավարության սահմանած կարգով.

3.4.17 ապահովել հանքի փակման ծրագրի, այդ թվում՝ հանքի փակումից հետո աշխատուժի սոցիալական մեղմացման նախատեսվող միջոցառումների իրականացումը.

3.4.18 ապահովել փակվող հանքի անմիջական ազդեցության գոտում գտնվող համայնքների սոցիալ-տնտեսական մեղմացման նախատեսվող միջոցառումների իրականացումը.

3.4.19 ապահովել օգտակար հանածոյի արդյունահանված տարածքի, արդյունահանման ընթացքում առաջացած արտադրական լցակույտերի տեղադիրքի և դրանց հարակից համայնքների բնակչության անվտանգության և առողջության ապահովման նպատակով մշտադիտարկումների համար նախատեսված վճարի վճարումը.

3.4.20 ոչ ուշ, քան հինգ տարին մեկ անգամ շահագործվող հանքավայրում (տեղամասում) կոնդիցիաները և պաշարները ենթարկել վերագնահատման և ներկայացնել լիազոր մարմնի վերահաստատմանը.

3.4.21 ընդերքօգտագործման իրավունքի ժամկետը լրանալուց հետո կամ դրանից հրաժարվելու դեպքում իր տնօրինման տակ գտնվող երկրաբանական տեղեկությունը 3 ամսվա ընթացքում սահմանված կարգով հանձնել լիազոր մարմնին.

3.4.22 տեղեկացնել ընդերքօգտագործման իրավունքի իրավահջորդության մասին լիազոր մարմնին վերակազմակերպման գրանցման պահից 14 օրվա ընթացքում.

3.4.23 սկսել աշխատանքները սահմանված կարգով հողհատկացման իրավունքի տրամադրումից հետո.

3.4.24 թույլատրել լիազոր մարմնին ստուգման նպատակով անարգել մուտք գործելու գրասենյակային, արտադրական, պահեստային, լաբորատոր և այլ տարածքներու ստորաբաժանումներ.

3.4.25 տրամադրել լիազոր մարմնին ստուգման ընթացքում պահանջվող փաստաթղթեր, տվյալներ, բացատրություններ, տեղեկանքներ, ինչպես նաև թույլատրել վերցնելու փորձամուշներ, կատարել կապարակներում և չափագրումներ, որոնք անմիջականորեն առնչվում են ստուգման նպատակներին.

3.4.26 կատարել Յայաստանի Յանրապետության օրենքներով սահմանված բոլոր պարտականությունները.

4. Չգուշացում

4.1 Լիազոր մարմինը, օրենսգրքի 30-րդ հոդվածի համաձայն, կարող է ընդերքօգտագործողին տալ զգուշացում, եթե նա՝

4.1.1 չի կատարում օրենսգրքով նախատեսված պարտավորությունները.

4.1.2 չի կատարում ընդերքօգտագործման իրավունքի պայմանները, այդ թվում՝ պայմանագրով, նախագծով ընդերքօգտագործման իրավունքով նախատեսված իր պարտավորությունների իրականացմանն առնչվող պայմանները՝ բացառությամբ օրենսգրքով սահմանված դեպքերի.

4.1.3 չի վճարել օրենքով նախատեսված վճարները՝ սահմանված օրվանից մեկ ամսվա ընթացքում:

4.2 Լիազոր մարմինն իրավունք չունի որոշում ընդունելու ընդերքօգտագործման իրավունքի դադարեցման մասին, եթե իրավունք կրողը զգուշացման մասին ծանուցումը ստանալուց հետո՝ ոչ ավելի, քան 90 օրվա ընթացքում վերացրել է նշված հիմքերը:

5. Հաշվետվություններ և տեղեկություններ

5.1 Ընդերքօգտագործման իրավունք կրողը լիազոր մարմին օրենսգրքով, այլ օրենքներով սահմանված կարգերով պարտավոր է ներկայացնել հետևյալ հաշվետվությունները և տեղեկությունները՝

5.1.1 ընդերքօգտագործման բնագավառում բնօգտագործման վճարների հաշվարկ-հաշվետվություններ.

5.1.2 օգտակար հանածոների պաշարների տարեկան հաշվետվություններ (5-ՕՅՊՅ).

5.1.3

5.2 Հաշվետվությունների ձևերի փոփոխման դեպքում լիազոր մարմինը պարտավոր է այդ մասին տեղեկացնել ընդերքօգտագործողին՝ փոփոխությունների կատարման պահից մեկամսյա ժամկետում:

5.3 Ընդերքօգտագործողը սահմանված վճարների վերաբերյալ տեղեկատվությունը լիազոր մարմին է ներկայացնում Հայաստանի Հանրապետության օրենսդրությամբ նախատեսված ժամկետներում, կարգով և ձևով:

6. Պայմանագրի ուժի մեջ մտնելը, գործողության ժամկետը և լուծումը

6.1 Պայմանագիրն ուժի մեջ է մտնում կնքման պահից և գործում է թույլ տվողական գործողության ամբողջ ժամանակահատվածում, եթե պայմանագրով սահմանված հիմքերով պայմանագիրը վաղաժամկետ չի լուծվել:

6.2 Պայմանագիրը գործում է նաև ժամկետի կամ թույլ տվող ժամբ տրամադրված ընդերքի տեղամասի սահմանված կարգով փոփոխության դեպքում: Եթե երկարաժամկետ է թույլ տվող ժամբ պայմանների փոփոխության բնույթը, ապա պայմանագիրը շարունակում է գործել՝ հաշվի առնելով այդ փոփոխությունները:

6.3 Պայմանագիրը կարող է լուծվել՝

6.3.1 լիազորմարմնի նախաձեռնությամբ՝ ընդերքագտործողի կողմից պայմանագրի դրույթների խախտման դեպքում:

6.3.2 ընդերքագտործողի նախաձեռնությամբ՝ ընդերքագտործողի կողմից ընդերքագտործման իրավունքի օբյեկտ հանդիսացող ընդերքի ամբողջ տեղամասից հրաժարվելու դեպքում դիմում ներկայացնելու և լիազորմարմնի կողմից հրաժարման հավաստագիր տրամադրվելու դեպքում:

6.3.3 թույլ տվող ժամբ ժամկետի ավարտի դեպքում:

6.4 Լիազորմարմնի կողմից թույլ տվող ժամբ սահմանված դեպքերում և կարգով վաղաժամկետ դադարեցվելու դեպքում պայմանագիրը համարվում է լուծված:

7. Պայմանագրում փոփոխություն կատարելու հիմքերը

Լրահետախուզման և (կամ) շահագործական հետախուզման արդյունքում հանքավայրում պաշարների էական փոփոխության, հանքավայրի լեռնաերկրաբանական, տեխնիկատնտեսական պայմանների զգալի փոփոխման դեպքում ընդերքագտործողի առաջարկությամբ լիազորմարմնը կարող է ընդերքագտործման իրավունքը ձևավորող փաստաթղթերում կատարել համապատասխան փոփոխություններ: Հանքավայրի շահագործման փոփոխված պայմանները ներկայացվում են առանձին (հավելված ---):

8. Անհաղթահարելի ուժի, ինչպես նաև կողմերի գործունեության հետջ կապված դեպքեր

Պայմանագրով պարտավորություններն ամբողջությամբ կամ մասնակիորեն չկատարվելու դեպքում կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության արդյունք, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են՝ հրդեհների, ջրհեղեղների, երկրաշարժերի, փոթորիկների կամ այլ բնական աղետների, ինչպես նաև պայթյունների, պատերազմի, ահաբեկչության, քաղաքացիական պատերազմի, անկարգությունների, ապստամբության, ազգայնացման և այլ դեպքեր, որոնք անհնարին են դարձնում սույն պայմանագրով նախատեսված պարտավորությունների կատարումը:

9. Վեճերի լուծումը

Պայմանագրի կատարման ընթացքում կողմերի միջև առաջացած վեճերը լուծվում են բանակցության ունենալի միջոցով: Համաձայնության ձեռք չբերվելու դեպքում վեճերի լուծումը կատարվում է դատական կարգով:

10. Ծանուցում

Պայմանագրի գործողության ընթացքում կողմերի միջև ծանուցումները, հաղորդումները կատարվում են համարվում է պատշաճ, եթե կատարված է գրավոր և տրված է առձեռն, կամ ուղարկված է պատվիրված նամակով կամ էլեկտրոնային փոստով կամ կատարված է փոխանցում \$աքսի միջոցով կողմի ստորև նշված հասցեով կամ այդ նպատակով կողմի նշած մեկ այլ հասցեով, ընդ որում յուրաքանչյուր դեպքում պետք է առկա ինի գրավոր ստացական, որը կարող է փոխանցվել էլեկտրոնային փոստի կամ \$աքսի միջոցով:

11. Այլ դրույթներ

11.1 Սույն պայմանագրի հավելվածները կազմում են նրա անբաժանելի մասը.

11.2 Սույն պայմանագիրը կազմված է 3 օրինակից՝ հայերեն լեզվով, որոնք ունեն հավասարազոր իրավաբանական ուժ.

11.3 Պայմանագրին կցվում է հավելված՝ N 1 ֆինանսական առաջարկները և ընդերքօգտագործման վճարները 2 էջից:

12. Կողմերի գտնվելու վայրը, բանկային վալերապայմանները և ստորագրության ունենքը

Լիազորմամբին ՀՀ Էներգետիկայի և բնական պաշարների նախարարության

ՀՀ, Երևան 0010, Հանրապետության հրապարակ, Կառավարության տուն 2

(փոստային դասիչը, գտնվելու վայրը)

հեռ. 521-964, \$աքս՝ (37410) 526-365; ֆին. նախ. գործարն. վարչ. հ/հ 900011009082

(հեռախոսահամարները, հեռագրային դասիչները, հաշվարկային հաշիվ)

Ընդերքօգտագործող, «ՉԱՆԳԵՉՈՒՐԻ ՊՂՆՁԱՍՈՒԻԲԴԵՆԱՅԻՆ ԿՈՄԲԻՆԱՏ» ՓԲԸ,

ՀՀ Սյունիքի մարզ, ք.Քաջարան, Լեռնագործների 18

(փոստային դասիչը, գտնվելու վայրը)

հեռ. (374 285) 3-24-99 հվհհ 09400818

(հեռախոսահամարները, հեռագրային դասիչները, հաշվարկային հաշիվ, հարկային կոդը)

ՀՀ ԷՆԵՐԳԵՏԻԿԱՅԻ ԵՎ ԲՆԱԿԱՆ

ԸՆԴԵՐՔՕԳՏԱԳՈՐԾՈՂ

ՊԱՇԱՐՆԵՐԻ ՆԱԽԱՐԱՐ՝

«ԶԱՆԳԵԶՈՒՐԻ ՊՄԿ» ՓԲԸ
(կազմակերպության անվանումը)

ԱՐՄԵՆ ՄՈՎԱՍԻՍՅԱՆ

(անունը, ազգանունը)

ՄԱՔՍԻՄ ՀԱԿՈՔՅԱՆ

(անունը, ազգանունը)

(ստորագրությունը)

(ստորագրությունը)

« 27 » Հոկտեմբեր 2012թ.

« 27 » Հոկտեմբեր 2012թ.



ՖԻՆԱՆՍԱԿԱՆ ԱՌԱՋԱՐԿՆԵՐԸ ԵՎ ԸՆԴԵՐՔՕԳՏԱԳՈՐԾՄԱՆ ՎՃԱՐՆԵՐԸ

1. Պետական տուրքի և ընդերքօգտագործման վճարներ

1.1 ընդերքօգտագործման դիմաց ընդերքօգտագործողների կողմից Հայաստանի Հանրապետության պետական բյուջե վճարում են պարտադիր վճարներ (բնապահպանական, բնօգտագործման կամ ոռոյալթի)՝ «Բնապահպանական և բնօգտագործման մասին» Հայաստանի Հանրապետության օրենքով սահմանված կարգով և չափով.

1.2 ընդերքօգտագործման թույլտվության դիմաց ընդերքօգտագործողների կողմից Հայաստանի Հանրապետության պետական բյուջե վճարվում է տարեկան պետական տուրք՝ համաձայն «Պետական տուրքի մասին» Հայաստանի Հանրապետության օրենքով սահմանված կարգով և չափով:

• **2. Բնության և շրջակա միջավայրի դրամագլուխ և օգտակար հանածոյի արդյունահանված տարածքի, արդյունահանման ընթացքում առաջացած արտադրական լցակույտերի տեղադիրքի և դրանց հարակից համայնքների բնակչության անվտանգության և առողջության ապահովման նպատակով մշտադիտարկումների վճարներ**

2.1 ընդերքօգտագործման դիմաց ընդերքօգտագործողների կողմից բնության և շրջակա միջավայրի դրամագլխի վճարներ՝ Հայաստանի Հանրապետության օրենսդրությամբ սահմանված չափով և վճարման կարգով.

2.2 օգտակար հանածոյի արդյունահանված տարածքի, արդյունահանման ընթացքում առաջացած արտադրական լցակույտերի տեղադիրքի և դրանց հարակից համայնքների բնակչության անվտանգության և առողջության ապահովման նպատակով մշտադիտարկումների վճար՝ Հայաստանի Հանրապետության օրենսդրությամբ սահմանված չափով և վճարման կարգով.

2.3 բնապահպանական աշխատանքների իրականացման համար դրամագլխից ընդերքօգտագործողին տրամադրվող գումարը չի կարող գերազանցել ընդերքօգտագործողի կատարած հատկացումների չափը.

2.4 օգտակար հանածոների արդյունահանման նախագծով նախատեսված միջոցառումների կատարումից հետո ընդերքօգտագործողի կողմից բնության և շրջակա միջավայրի պահպանության դրամագլխին վճարված գումարի մնացորդը վերադարձվում է ընդերքօգտագործողին:

**ՀՀ ԷՆԵՐԳԵՏԻԿԱՅԻ ԵՎ ԲՆԱԿԱՆ
ՊԱՇՏԱՐՆԵՐԻ ՆԱԽԱՐԱՐ՝**

ԱՐՄԵՆ ՄՈՎՍԻՍՅԱՆ
(անունը, ազգանունը)




« 27 » հոկտեմբեր 2012թ.



ԸՆԴԵՐՔՕԳՏԱԳՈՐԾՈՂ՝

«ԶԱՆԳԵՂՈՒՐԻ ՊՄԿ» ՓԲԸ
(կազմակերպության անվանումը)

ՄԱՔՍԻՄ ՀԱԿՈՒՅԱՆ
(անունը, ազգանունը)



(ստորագրությունը)

« 27 » հոկտեմբեր 2012թ.



ՓՈՓՈԽՈՒԹՅՈՒՆ

ՕԳՏԱԿԱՐ ՀԱՆԱԾՈՅԻ ԱՐԴՅՈՒՆԱՀԱՆՄԱՆ ՆՊԱՏԱԿՈՎ 2012 ԹՎԱԿԱՆԻ
ՆՈՅԵՄԲԵՐԻ 27-Ի ԸՆԴԵՐՔՕԳՏԱԳՈՐԾՄԱՆ ՊՎ-232 ՊԱՅՄԱՆԱԳՐԻ

ք. Երևան

« 18 » դեկտեմբեր 2015 թ.

Հիմք ընդունելով՝ ՀՀ էներգետիկայի և բնական պաշարների նախարարի
18-12-2015թ. N 550-ու հրամանը, «Զանգեզուրի ՊՄԿ» ՓԲԸ-ի օգտակար
հանածոյի արդյունահանման նպատակով ընդերքօգտագործման ՊՎ-232
պայմանագրի՝ «որոնք հատակագծի վրա և ըստ խորության սահմանափակվում են
հետևյալ կորդինատներով» տողում՝ «I. Աջափնյա տեղամաս / մինչև 1875 մ
հորիզոնը/ 1.X=1460 Y=11170, 2.X=3735 Y=11500, 3.X=1675 Y=11615, 4.X=1885
Y=11825, 5.X=2775 Y=11860, 6.X=3055 Y=11880, 7.X=3735 Y=11900, 8.X=3700
Y=11700, 9.X=3735 Y=11500, 10.X=3385 Y=11110, Բացահանքի արևմտյան
կողմը՝ 11.X=3335 Y=10665, 12.X=3100 Y=10490, 13.X=2900 Y=10440, 14.X=2680
Y=10435, II. Ձախափնյա տեղամաս / մինչև 2040 մ հորիզոնը/ 1.X=365 Y=9965,
2.X=175 Y=10350, 3.X=565 Y=10525, 4.X=760 Y=10435, 5.X=700 Y=10275»
կորդինատները և բառերը փոխարինել՝ «I. Աջափնյա տեղամաս / մինչև 1875 մ
հորիզոնը/ 1.X=4336340 Y=8598033, 2.X=4335969 Y=8598469, 3.X=4335905
Y=8598503, 4.X=4335915 Y=8598688, 5.X=4335025 Y=8598723, 6.X=4334745
Y=8598743, 7.X=4334065 Y=8598763, 8.X=4334100 Y=8598563, 9.X=4334065
Y=8598363, 10.X=4334415 Y=8597973, Բացահանքի արևմտյան կողմը՝ 11.X=4334465
Y=8597528; 12.X=4334700 Y=8597353, 13.X=4334900 Y=8597303, 14.X=4335120
Y=8597298, II. Ձախափնյա տեղամաս / մինչև 2040 մ հորիզոնը/ 1.X=4337435
Y=8596828, 2.X=4337625 Y=8597213, 3.X=4337235 Y=8597388, 4.X=4337040
Y=8597298, 5.X=4337100 Y=8597138 «ARM WGS-84» կորդինատային
համակարգի» կորդինատներով և բառերով:

Սույն փոփոխությունը համարվում է՝ օգտակար հանածոյի արդյունահանման
նպատակով ընդերքօգտագործման ՊՎ-232 պայմանագրի անբաժանելի մասը:

ՀՀ ԷՆԵՐԳԵՏԻԿԱՅԻ ԵՎ ԲՆԱԿԱՆ

ՊԱՇԱՐՆԵՐԻ ՆԱԽԱՐԱՐ՝

ԵՐՎԱՆԴ ԶԱԽԱՐՅԱՆ

(անունը, ազգանունը)

ԸՆԴԵՐՔՕԳՏԱԳՈՐԾՈՂ՝

«ԶԱՆԳԵԶՈՒՐԻ ՊՄԿ» ՓԲԸ

(կազմակերպության անվանումը)

Նիկոլայ Մուրադյան
(անունը, ազգանունը)

Նիկոլայ Մուրադյան
« 18 » դեկտեմբեր 015թ.



ՓՈՓՈԽՈՒԹՅՈՒՆ

ՕԳՏԱԿԱՐ ՀԱՆԱԾՈՆԵՐԻ ԱՐԴՅՈՒՆԱՀԱՆՄԱՆ 2012 ԹՎԱԿԱՆԻ ՆՈՅՄԲԵՐԻ 27-
ԻՆ ՎԵՐԱՁԵՎԱԿԵՐՊՎԱԾ ԹԻՎ ՊՎ-29/232 ՊԱՅՄԱՆԱԳՐԻ

ք. Երևան

«29» 12 2016թ.

Հիմք ընդունելով՝ ՀՀ էներգետիկ ենթակառուցվածքների և բնական պաշարների նախարարի 26.06.2016թ. 25-Ի 2016թ. թիվ 134-Վ հրամանը, «Ձանգեզուրի ՊՄԿ» ՓԲ ընկերության՝ ՊՎ -29/232 պայմանագրի՝ <2.Պայմանագրի առարկան> բաժնի 2.1 կետում. <12 500> թիվը փոխարինել՝ <22 000> թվով, <2030> թիվը փոխարինել <2041 >թվով. <287500.0> թիվը փոխարինել <550 000.0> թվով, <որոնք հատակագծի վրա և ըստ կորոլայան սահմանափակվում են հետևյալ կորոլինատներով> տողում՝ <Տրամադրված տեղամասի ծայրակետերի կորոլինատները> տողում՝

<<I.Աջափնյա տեղամաս / մինչև 1875 մ հորիզոնը/՝ 1.X=4336340 Y=8598033,
2.X=4335969 Y=8598469, 3.X=4335905 Y=8598503, 4.X=4335915 Y=8598688,
5.X=4335025 Y=8598723, 6.X=4334745 Y=8598743, 7.X=4334065 Y=8598763,
8.X=4334100 Y=8598563, 9.X=4334065 Y=8598363, 10.X=4334415 Y=8597973,
Բացահանքի արևմտյան կողմ՝11.X=4334465 Y=8597528, 12.X=4334700 Y=8597353,
13.X=4334900 Y=8597303, 14.X=4335120 Y=8597298, II. Ձախափնյա տեղամաս / մինչև
2040 մ հորիզոնը/՝ 1.X=4337435 Y=8596828, 2.X=4337625 Y=8597213, 3.X=4337235
Y=8597388, 4.X=4337040 Y=8597298, 5.X=4337100 Y=8597138 կորոլինատներով
սահմանափակված տարածքը ընդլայնել և ընկերությանը տրամադրել՝ 1.X=4336495.8
Y=8597815.9, 2.X=4336370.2 Y=8598221.4, 3.X=4335450.6 Y=8599408.7, 4.X=4334794.0
Y= 8598978.3. 5.X=4334516.2 Y=8599473.2, 6.X=4333524.7 Y=8599357.6,
7.X=4333777.0 Y=8598961.7, 8.X=4333841.0 Y= 8598718.6, 9.X=4333646.5
Y=8598604.4, 10.X=4333520.9 Y=8598341.8, 11.X=4333832.1 Y=8598046.6,
12.X=4333967.9 Y= 8598093.6, 13.X=4335239.8 Y=8597121.7 <ARM WGS-84>
կորոլինատներով բնութագրվող <ARM WGS-84> կորոլինատային համակարգի
կորոլինատներով տեղամասը >> բառերով:

Սույն փոփոխությունը համարվում է՝ օգտակար հանածոյի արդյունահանման նպատակով ընդերքօգտագործման ՊՎ-232 պայմանագրի անբաժանելի մասը:

ՀՀ ԷՆԵՐԳԵՏԻԿ ԵՆԹԱԿԱՌՈՒՑՎԱԾՔՆԵՐԻ
ԵՎ ԲՆԱԿԱՆ ՊԱՇԱՐՆԵՐԻ ՆԱԽԱՐԱՐ՝

ԸՆԴԵՐՔՕԳՏԱԳՈՐԾՈՂ՝

(կազմակերպության անվանումը)

ԱՇՈՏ ՄԱՆՈՒԿՅԱՆ
(անունը, ազգանունը)



(ստորագրությունը)

«29» հունիսի 2016թ.



«Զանգեզուրի ՊՄԿ» ՓԲԸ



Մհեր Դոյաևյան
(անունը, ազգանունը)

(ստորագրությունը)

«29» հունիսի 2016 թ.

